

Visoki predstavnik Rotary Clubu predao donaciju od 120.000 Eura



Visoki predstavnik Valentin Inzko ovih je dana Rotary Clubu Bosne i Hercegovine predao donaciju od 120.000 Eura koje su prikupili članovi Rotary Cluba Austrije kako bi pomogli žrtvama poplava koje su u maju opustošile veliki dio Bosne i Hercegovine.

„Poplave su još jednom dokazale da građani ove zemlje pomažu jedni drugima u kriznim vremenima, bez obzira na njihovo mjesto življenja ili porijeklo“, rekao je visoki predstavnik. „Uz to, duh solidarnosti i jedinstva unutar Bosne i Hercegovine, i izvan njenih granica, koji smo vidjeli od početka krize izazvane poplavama, svima bi trebao poslužiti kao primjer. Poruka je da dobri ljudi završavaju posao, a posao se završava putem saradnje, konsenzusa i dobre volje.“